

آبونه اولمق ایستینلر دائره عدلیه ده
اداره مخصوصه سنه مراجعت
ایتملیدر

اعلاناک بهرندن بر مجیدیه اخذ
ایدیلور

نسخه سی ۴۰ پاره در

تذکره محاکمات عدلیه

سنه لکی در سعادت ایچون مجیدیه
یکرمی غروش حسابیه التمش
غروشدر

طشهره ایچون پوسته احررق اوله رق
اون بش غروش ضم اولنور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه متعلقدر

توضیحات

وظیفه مأموریتی حسن ایضا خصوصاً مشاهده
اولان مساعیسنه مبنی محکمه تمیز استدعا دائره سی
ضبط کتبه سندن عزتلو محمد لطیف بکه رتبه ثانیه
صنف متمیزی توجیه بیورلمشدر.

تبدیلات

جرائم متنوعه دن دولایی کورک جزاسیله محکوماً
طرابلس شامده محبوس بولنان قیصریه لی طوپال محمودک
یکرمی درت سنه بی متجاوز مدتنبیری محبوس قالدینی
وشیخوخیله برابر ضعف وعجزی واصلاح نفس
ایلدیکی اکلاشلدیغندن حقوق عمومیه جهتندن عفو عالی به
مظهریتی خصوصه بالاستیدان اراده مرحمتعاده
حضرت خلافتنهای شرفتملاق بیورلمش وبرمنطوق
امر وفرمان هایون مرقومک تخلیه سیدی عدلیه نظارت
جلیله سندن بیروت استیناف محکمه سی مدعی عمومیلکنه
تلفرافله اشعار ایدلمشدر.

میری اورمانندن بلارخصت اشجار قطعی
ماده سندن دولایی محکوم اولدینی ایکی بیک درتیوز
بشلاک جزای نقدی بی اعطا ایدمه مدیکی جهته بهر ایکی
بشلاک ایچون برکون حبسنه قرار ویریلرک بریحق
سنه دنبری حال محبوسیتده بولنان حسن اوغلی حسنک
فقر و ضرورتی وعائله سنک شایان مرحمت بر حاله
بولندینی اکلاشامسنه مبنی بقیه مدت محکومه سندن ناشی
عفو عالی به مظهریتی خصوصه لدی الاستیدان اراده
مرحمتعاده حضرت خلافتنهای شرفصدور بیورلمش
ومقتضای منیفک ایفاسی ضمننده عدلیه نظارت جلیله
سندن قسطمونی استیناف محکمه سی مدعی عمومیلکنه
بالتغراف تبدیلات مقتضیه اجرا قلممشدر.

اعشار التزامدن طولایی خزینه جلیله مدیون
بولنان اطنه زراعندن عبد الجبار اغانک متصرف

استفسار مطالعه بی متضمن شورای دولت ریاست
جلیله سندن وارد اولان تذکره انجمن عدلیه به لدی الحواله
تحصیل اموال نظامنامه سنک یکرمی بشنچی ماده معدله سنده
مختارنک مکلفیندن استحصال ایلدکاری آچقینی ذمتلرینه
کچوررلر ایسه اشو مبالغ طوغریدن طوغری به
کندولرندن تقدراً استیفا اولنور فقط بو مثلورلرک
اقتدار سزانی و اموال و املاک کنک عدم کفایتی تبین
ایتدیکی تقدیرده ذمتلرینک تضمینی کندولرینی انتخاب
ایدن قریه ومحلله اهالیسنه راجعدر اهالی دخی مختارلره
بالمراجعه تضمین ایتدیررلر « دیو مندرج اولان فقرات
ایجابجه مختارنک یالکز مدت مأموریتلری ظرفنده ظهور
ایدن و کندولرندن تحصیل واستیفاسی ممکن اوله میان
ذمتلرینک متخبلردن تضمینه مساع قانونی کوسریله رک
بعد ختام المده استخدام اولنان بومقوله مختاران
ذمتنک محل تحصیلی مذکور نظامنامه ده تصریح
ایدلماش وتشکیل ولایت نظامنامه سی ایجابجه برسنه
ایچون انتخاب اولنان مختارنک مدت معینه لری ختامنده
تجدید انتخاباتنه دقت ونظارت مأمورین ملکیه کنک
جمله وظایفندن اولدینی و بو وظیفه کنک ایفاسنجه
وقوعبولان تکاسلک تولید ذمت خصوصنده دخل
کلیسی قابل انکار اولمدینی حاله ذمت مذکور کنک
صراحت نظامیه اولمقسزین نه متخبلره ونه ده تکالیف
امیریه لری تسویه ایله بری الزمه قالمش اولان اهالی به
تحمیلی موافق معدلت اوله میوب مع هذا حقوق
خزینهنک ضیاعندن وقایه سنی وسالف الذکر تشکیل
ولایت نظامنامه سنک بوبابده مأمورین ملکیه به تودیع
ایلدیکی حق تفتیش ونظارتک وقت وزمانیه اجراسنی
تأمیناً نظامنامه مخصوصنک تعدیلنه احتیاج درکار
اوله رق بوده شورای دولته فصل اوله حق مسائلدن
بولندینی انجمن مذکور دن افاده قلممشدر.

محاکمات مقدماتی

قتل ماده سندن طولایی اون بش سنه کورک

اولدینی تجارتیه مخصوص آلات وادواتی ایله حیوانانک
محلی اجرا دائره سنجه لوازم زراعیسنه دن عدلیه حجز
وفروختی جهته کیدلمامکده اولدیغندن بخشله
استفسار معامله به دائر اطنه ولایتندن کشیده اولنان
تلفرافنامه ایله امور حقوقیه مدیریتندن بوبابده اعطا
قلنان مذکره اوزرینه ولایتجه تجارتیه مخصوص اولدینی
درمیان ایدیلان اشیانک بر قسمی لوقوموتیف وماکنه
کبی مزروعانک حصولنه و دیگر قسمی ده عربه
وحیوان وسائر کبی عمله مشروبانک جاب و جمعه
وادوات زراعیهنک حفظنه مخصوص ایدوکی کوسرلمش
ومرقوم عبد الجبار اغانکده زراعندن بولندینی
اشعارات واقعندن اکلاشامش اولسنه نظراً آلات
وادوات مبحوثنک اجرا قانوننک الی اوچجی ماده سی
موجبجه دین ایچون حجز وفروختی غیر جائز اولوب
شو قدرکه عمله جلیله استخدام ایدیلان حیوانک
حجزدن مصون اولان لوازم زراعیهنک معدود اولماسی
جهتیه فروختی ایجاب ایددجکی انجمن عدلیه دن
افاده قلممشدر.

ازمیرک خاتونیه محله سی مختاری اولوب برسنه
مدتله منتخب ایکن الی سنه استخدام اولنان محمد
افدینک املاک و تمتعات ویرکوسندن بااعلام محکوم به
ذمتی اولان وقدرت سزایکی جهتیه تحصیل اولنه میان
اون بر بیک کسور غروشک ختام مأموریتندن
صکره گذار ایدن سنه لره عائد بولنسیله متخبلردن
تضمینی جهته کیدلمک موافق معدلت اوله میه جفندن
واهلانک مدتی ختام بولان مختار مومی الیه یه
تودیع تکالیف ایلش اولمیرینه نظراً کندولرینک
وکیلی دیمک اولوب شو حاله ویرکولرینی مختاره
تسلیم ایدنلرک کندوسنه حق مراجعتلری باقی قالمق
اوزره خزینه جلیله به قارشو مدیون عد اولنه جقلرندن
مبالغ محکوم بهک بشقه جبه اعلام استحصال ایدلمکسزین
ویرکولری نسبتده آلردن تضمینی وامثالی حقنده ده
بوصورتله معامله ایفاسی استیدانی حاوی مالیه نظارت
جلیله سنک شورای دولته محول تذکره سی اوزرینه

جزاسنه محكوم ايكن حبسخانه دن فراو ايستديكي اداسيله جنايله اتهام اولنان تركن اوغلي محمد بن محمد مدت محكومونه بش سنه ضم اولمسنه دائر محمد آباد سنجاي بدایت محكمه سی جزا دائره سندن ايكنجي دفه اوله رق وبريلان سكران اوج نومرولى اعلام

رشيد بن احمدى قتل ايلديكرى ادا اولمسندن طولاني جنايله اتهام اولنان ابراهيم بن شعبانك اون بش ورفيق كل هاشم بن ديب البشره بش سنه مدتلره كوركه قوللرينه دائر حلب ولايتي استئناف محكمه سی جزا دائره سندن وبريلان درت يوز يكرى اوج نومرولى اعلام

تنوس قضاسنك چيني قريه سندن همبارى قتل ايلديكي ادا قلمسندن طولاني جنايله اتهام اولنان تانار اوغلي محمد بن يوسفك اون بش سنه مدتله كوركه قوللنه دائر سواس ولايتي استئناف محكمه سی جزا دائره سندن وبريلان ايكيوز سكران طقوز نومرولى اعلام

سليميه قضاسنه تابع منقر قريه سی زراعندن حسيني ضرب ومعامله جبر وشدت اجراسيله باركيرلرني اخذ وغصب ايتسندن طولاني جنايله اتهام اولنان موالى عربانندن ملحم بن احمدالجمعه لك اون سنه مدتله كوركه قوللنه دائر حما سنجاي بدایت محكمه سی جزا دائره سندن وبريلان اللى بر نومرولى اعلام

چورلى قصبه سنك خضر اغا محله سندن قسطاكي ولد اوستوانك كيفت قتلندن طولاني جنايله اتهام اولنان ديمترو ولد ايجونك اون بش سنه مدتله كوركه قوللنه دائر تكفور طاي سنجاي بدایت محكمه سی جزا دائره سندن وبريلان ايكيوز قرق بر نومرولى اعلام

دوباليانه قتل قصديه تشهير سلاح ايلديكي ادا اولمسنندن طولاني جنايله اتهام اولنان صالح بن كاككك اوج سنه مدتله كوركه قوللنه دائر سليانيه سنجاي بدایت محكمه سی جزا دائره سندن وبريلان ايكيوز طقسان نومرولى اعلام

باليكسرنك ابوراندی ناحيه سی جوارنده چوبان مصطفىانك چفته تفككي وديمترنك اچيه سی اخذ وغصب ايتسندن طولاني جنايله اتهام اولنان موسى بن رسلك اوج سنه مدتله كوركه قوللنه دائر قره سی سنجاي بدایت محكمه سی جزا دائره سندن وبريلان بيك يدي يوز اوتوز التي نومرولى اعلام

يتافلق جرمندن طولاني جنايله اتهام اولنان آرتين ولد قصابك آلي سنه مدتله كوركه قوللنه دائر موش سنجاي بدایت محكمه سی جزا دائره سندن

وبريلان اوتوز بر نومرولى اعلام محكمه تميز جزا دائره سنجه تصديق اولمشدر .

۲۰۷ نومرولى نسخه ده مندرج درسمادت جنايت محكمه سی اعلامنك مابعدی :

شاهد غلظه مركزنده مستخدم ۲۴ نومروده مقيد پوليس افرادندن يكرى بش باشنده اركريلي نيقولی افسدی ولد واسيل وقه كيجه سی غلظه ده طولاشمقده ايكن آدم اولديغلك خبر ویرلسی و فاعلنك كندی همشیرسی اولقی مناسبته تخری و در دستي ايجون كندوسنك برلكده بولمسنك طلب اولمسی اوزرينه پوليس علی افسدی ايله ياغقبانه كيدرلك اوراده بر خانه ده متهم يورکی بتاغنده اولديني ودملي بچاغلک دخي يصديقي آلتنه بولنديني حالده در دست ايدرک مرکزہ تسليم ايلديكری و متهمك او صروده انكارده بولنديني سويلدی .

شاهد غلظه مركزنده ترصدا ماموری يكرى ايكي ياشلرنده كريدلی سليمان افسدی ابن علی كندوسی محل وقه يه كيتامش ايسده متهمك مركزده انشای استجوابنده حاضر بولنديني و موجود شهوده عندالارائه قوزمه نك جارحي مرقوم يورکی اولديني سويلديكرينه قارشو انكار ماده ايلديكي و مجروح قره غولخانه يه كيتريدیكي وديديكي يورکی حاضر بولنان متهم اولديغنی افاده و اخبار ايلدی .

غلظه ده كورجي زقاغنده اوپه باشي قاينه نك خانه سنده ساكنه يكرى بش ياشلرنده مريم بنت كيفورق مقتول قوزمه نك موصلق اوكنده طوررايكن بر شخصك آبدستخانه دن جيقوب مرقوم قوزمه يي جرح ايتديكي كورمسی اوزرينه قوزمه اولدی دیو باغردیغنی افاده مضبوطه سی وجهه اخبارولدی السؤال كندوسنك باغرمسی اوزرينه جارحك فرار ايلديكي و بر دفعه اورديغنی كوریه يولوب آلت جارحي مشاهده ايدمامش ايسده حضور محكمه ده موجود اولان دملی كورك او صروده جارحك آرقه سنده ملبوس بولنديغنی و ديديكي شخصك حاضر بولنان متهم اولديغنی شمدی تعين ايدر ايدوكنی علاوه تذكار ايلدی .

شاهد قنار باغچه سنده اوتل بل ووده بوفه جيلك ايتديكي سويلان يكرى يدي باشنده يانملي طناش ولد طومه وقه كيجه سی ساعت بش يچق راده لرنده متهم يورکی ريفقاری واسيل و بكتاش واقتم ايله سرخوش اولدقاری حالده موسقوف غازينوسنه كلهرک غارصوندى راقی استديكری و مرقومونك زياده سرخوش اولدقارندن ناشی راقی ویرلديكندن منفعل

اوله رق لامبه لری باغفله مشغول بولنان قوزمه يي مرقوموندى متهم يوركنك بچاقله جرح ايلديكي كوردیكي و مرقوم يورکی تعرض وقوعبولديغنی مشاهده ايدمديكنی افاده مضبوطه سی دائره سنده ياد و عندالسؤال متهمك بر دفعه اورديغنی كوریه ييلديكي و منازعه نك سببی اكلايه مديغنی و او صروده مرقوم يوركنك حضور محكمه ده بولنان دملی كورك آرقه سنده بولنديغنی و ديديكي يورکی متهم موقعنده بولنان شخص ايدوكنی علاوه آتيان ايلدی .

ديكر شاهد غلظه ده موسقوف غازينوسنده غارصونلى ايدن اون التي ياشلرنده خريستو ولد واسيل دخي آبدست بوزمق اوزره زردبان باشنده طورديني صروده اشاغنده بر كورلی ايتديكي و اينوب باقديغنده غارصون قوزمه نك مجروح اولديغنی كوردیكي مضبوط افاده سنده موافق صورنده اخبار ولدی الاستفسار متهم او صروده ارانه اولنان كورکی كيمش ووقه يي معقب فرار ايتش ايدوكنی و مرقوم قوزمه بر شي سولامش ايسده خسته خانه ده استفسارخاطری ايجون كيتديكي زمان كندوسنك جارحي بر كنچ اولديغنی واسنك يورکی اوله جغنی سويلديكي و ديديكي يورکی حاضر بولنان متهم ايدوكنی علاوه كفتار ايلدی .

شهود مستمع من هر برينك افاده لری ختام بولديغنه ترجمان واسطه سيله اكلايه رق نه يه جكي متهم مرقوموندى صورلده افديا نام قادين ايله برلكده او طورديغندن شاهده مريمك قصاقچلي ساقه سيله كندوسنه خصوصتی اولديغنی و هر نه قدر محكمه يه كيتامش اولدقارندن اثباته مقتدر دكسه ده طناش ولد طومه ايله ده بر دفعه منازعه ايتديكری سويلديك و ديكر شهودك بر سبب درميان ايدميه رك شهادت لری قبول ايدميه جكنی و شاهده مريم و طناش قصاقچلغك و خصوصتك اصل و اساسی اولديغنی سويلديار .

دائرة امانتندن كتوردلش اولان دملی بچاق واورنده بولنان كورك اول امرده متهمه عندالارائه اشبو كورك و اوحي سوري بچاغلک كندوسنك اولديغنی و شاهدر دخي انشای وقه ده كوردكاری بچاق و كورك اشبو ارانه اولنان كورك و بچاق اولديغنی متهم ترجمانی واسطه سيله و شاهدر بالذات افاده و تكرار ايلديار .

غلظه ده موسقوف غازينوسنده غارصونلى ايتديكي اوراق دعوی ميانه كوستريالان اون التي باشنده سلوريلي كريكو ولد خريستونك مذكور اقامتگاهنه تبليغ اولنان جلبنامه سی زیرنده محرر شدن مرقومك بولنه مديغنی و بولمسی قابل اوله ميه جغنی اكلا شملغه مطالعه سی صوريلان معاون موسى اليك طلي موجبجه مرقوم كريكو ايله متوفی قوزمه نك دائره استنطاقده مضبوط افاده سی او قوتديزلده بونلردن شاهد

كرياقونك كندوسنك يوقاری جيقوب بش اون دقيقه كيدك ديكركه اشاغنده بر كورلی ايتديكي معقب اشاغی به اينوب باقديغنده قوزمه نك اورلش اولديغنی كوردیكي و متوفی قوزمه نك دخي اسمنی بيلمديكي و كورسه طانيه جغنی كنچ و قرمزی يوزلی بر جوجق كندوسی زردبان باشنده طورر ايكن بيله مديكي بر سبيدن طولاني آرقه سندن و كوكنندن بچاقله اورديغنی سويلديكری منفهم اولدی .

قرائت اولنان اشبو افاده لره نه ده جكي دخي متهم يوركيدن ترجمانی واسطه سيله صورلده قده هيچ بر سبب بيان ايتمه رك قبول ايتمه جكنی سردايتدی . (مابعدی كله جك نسخه يه)

لغعه ده بوستان دروننده زوجہ سی رحيمه يي جرح و قتل ايتديكي اداسيله متهم بولنان حسن ايله مرقومی ضرب ايتسندن ناشی لزوم محاكمه سنده قرار و بريلان آشجي حسين حقارنده اجرا قلنان محاكمه نتيجه سنده متهم حسنك قصاقچلي ساقه سيله بالهور عز يوردي قتل ايلديكي و حسينك دخي حسنی ضربه جرأت ايتديكي كندولرينك افاده و اقرا دلری و شد هدرلك اخباراتی و معاييه راپوری مندرجاتي ايله ثابت اولديغندن حسنك اولوجهل مجرميته و حسينك ضرب فعلنك فاعلي اولديغنه و بونلردن حسنك قانون جزانك يوز تيش دردنجي ماده سنك فقره اولاسنه توفيقاً اون بش سنه مدتله كوركه قوللنه و حسينك دخي قانون مزبورك يوز تيش طقوزنجي ماده سی موجبجه برسه مدتله حبسه ۲۷ ايلول سنه ۳۱۹ تاريخده محكمه جنايتجه قرار ویرلشدر .

قوم قيو نشانجه سنده ساكنه قاينه يي ضرب ايدن علقونك زوجہ سی ماريقندن برلیرا آله رق مضروب به اعطاسنه دريحي ميشونك اشيا سانی سرق ت ايدن دباغ انطاكيلى عبدالغنيك اوج آي حبسه و ختام مدتنده ضابطه جه كفاته ربطه

التی مرمرده آشچليق ايدن استفانی ضرب ايدن دوکهي لئونك چراغی لئونك برهفته حبسه قوجه مصطفى ياشالی درويش محمد افسدی به اطاله لسان ايدن ابراهيم اغادن يارم ليرا جزای نقدي آلتسنه آرابه جي احمد اغاي ضرب ايدن آرابه جي اساعيلك برهفته حبسه قين شاشنده ساكن سليانه اطاله لسان ايدن سودجي اوغلي اساعيلك برهفته حبسه

فاتحده دولكر زاده محله سنده مقیم محمد عارف افدينك ديوارنی هدم و تخريب ايدن اسحق معمر افدينك اوج آي حبسه حالی تخارندن عده اغانك مغازه سنده خدمتكار مهديسك سيمونی ضرب ايلديكي ثابت اولديغندن يكری كون حبسه سرکه جيسده شفق اولتسده خدمتكار آندونی ضرب ايدن ديكر آندونك برهفته حبسه اوپه باشي وارطانی تخمير ايدن سپوركه جيلر كتنخدای سابق ذوالفقار اغادن برلیرا جزای نقدي اخذينه حق دخولی اولمديغنی حالده احمدك اوپه سی درونه كيرديكي ثابت اولان ارغای زقاغنده قهوه جي فهادك يكری درت ساعت حبسه و كندوسندن آلي بشلك جزای نقدي اخذينه

خلاف تنبيه پياقو چكديردیكي ثابت اولان امين جامع شريفنده ساكن قهوه جي ايتاليالی رفودن بش بشلك جزای نقدي اخذينه شاكرك بيوك دره ده كي خرمن محصولاتی كبريت آلتقى صورتيه احراق ايدن قبطی محمدك برهفته حبسه و كندوسندن برلیرا جزای نقدي آلتسنه مجارده ساكنه مانيكيه حرف اندازلقي ايدن چشمه ميدانلی سليانك اون كون حبسه ككباچی ابراهيمی ضرب ايدن قاسم باشاده دباغخانه ده ساكن بونسك برهفته حبسه چاقر قادين ايله همشیره سی اوستویانی ضرب و خانه لرينه دخول ايلديكری ثابت اولان آرخانك اون كون حبسه و ماريدن برلیرا جزای نقدي آلتسنه قومقوده طلومه جي فارسی ضرب ايدن لغه لی كركورك برهفته حبسه ديوان بولنده لوقاطه جي خريستونك اوغلي نيقولينك محمود باشاده ساكن محمدي ضرب ايلديكي ثابت اولديغندن ايكي ليرا آله رق مضروب ویرلشنه درسمادت، بك اوغلي واسكدار بدایت محكمه لری جزا دائره لرنجه قرار ویرلشدر .

اعلانات

درسمادت استئناف مدعی عموميلکندنه :

بيك اوچيوز اون طقوز سنه سی مايسنك اون طقوزنجي كونی بئندكده طوب سروی نام محمله احمد اوغلي قناخی روولور قورشونيه و قتل قصديه جرح ايلديكي اداسيله مظنون عليه اولوب وقه يي متعاقب فرار ايتش اولان اورته بويلی سياه و كور

بيقلى قره قاشلی و قویو الا كوزلی مدور جهرملی اسمرجه بکزیل يكری سکر ياشلرنده باغ بكجیسی ماطلی يوسفك اصول محاکات جزایه قانونسك مواد مخصوصه سی احكامنه توفیقاً درسمادت جنايت محكمه سنده محاكمه سی اجرا قلملق اوزره قانون جزانك يوز سكسانجی ماده سی موجبجه جنايله اتهامنه قرار ویرلديكندن متهم مرقومك هر زرده كوريلور ايسه طوتيلوب محكمه مذكوره توفيقخانه سنده تسليمی لازم كله جكي بالجله ضابطه عدليه مأمورلرينك معلومی اولقی اوزره اشبو اخذ و گرفت مذكره سی درسمادت هيئت اتهاميه سندن بالتنظيم اعطا قلندی .

بيك اوچيوز اون طقوز سنه سی حزرانك يكری سكزنجي كونی علی الصباح غلظه ريختمنده بكجي حسنی ضرب و قتل قصديه جرح ايلديكي اداسيله مظنون عليه اولوب غيرموقوف بولنان اوزونجه بويلی الاكوزلی يوارلق چكلی قرال بيقلى وسياه صاچلی و افوق برون و اغزلی و صاريه بکزیل غلظه ده لوشيد خاينده اوج نومرولو اوپه ده اقامت ايدوب واپورلرده عملك ايدن بونان دولتي تبعه سندن اوتوز بش باشنده اوده سا ولد استاتينك اصول محاکات جزایه قانوننك مواد مخصوصه سی احكامنه توفیقاً جنايت محكمه سنده محاكمه سی اجرا قلملق اوزره قانون جزانك يوز سكسانجی ماده سی موجبجه جنايله اتهامنه قرار ویرلديكندن متهم مرقومك هر زره ده كوريلورسه طوتيلوب محكمه مذكوره توفيقخانه سنده تسليمی لازم كله جكي بالجله ضابطه عدليه مأمورلرينك معلومی اولقی اوزره اشبو اخذ و گرفت مذكره سی درسمادت هيئت اتهاميه سندن بالتنظيم اعطا قلندی .

اوچيوز اون طقوز سنه سی حزرانك يدنجي جمعه ايرتسی كيجه سی قره كي حسين چلي محله سنده ترامواي جاده سنده قال بوانك دكانندن آلت مخصوصه استعماليله سرقه تصدی وسنه مذكوره تيسانك يكری سكرنده صالحم سكوده امينك قهوه خانه سندن اشيا سرق ت ايلديكری اداسيله مظنون بولنلاردن اولوب ملكتی بولنان اينه بويلی فرار ايتش اولان سياه قاش وصاچ وصقالی متاسب اغز و برونی اسمر جهرملی اوتوز سكر ياشنده مصطفى بن محمدك اصول محاکات جزایه قانوننك مواد مخصوصه سی احكامنه توفیقاً موقوف بولنان ريفقي محمد ايله برلكده درسمادت جنايت محكمه سنده محاكمه لری اجرا قلملق اوزره قانون جزانك ايكي يوز اوتوزنجي ماده سی علاوه سنك برنجي

فقره سی منطوقه ایکی یوز یکر منجی ماده سی حکمه توفیقاً جنایتله اتهامه قرار ویرلیدیکندن متهم مرقومک هر زده کوریلورسه طوتیلوب محکمه مذکوره تو قیفخانه سنه تسلیمی لازم کله جکی بالجله ضابطه عدلیه مأمورلرینک معلومی اولمق اوزره اشبو اخذو کرفت مذکوره سی در سعادت هیئت اتهامیه سندن بالتنظیم اعطا قلندی .

در سعادت جنایت محکمه سنده :

اوچوز اون طقوز سنه سی حزرانک اون التبعی کیجه سی بک اوغلنده سینم کوبنده بینلرنده بالنازعه صوتیری یی جرح و قتل ایلدکاری ادعاسیله متهم و موقوف بولان قوجو و دیمترینک شریک تهملرندن اولوب اوصاف و اشکالی غیر مضبوط بولنان ترزی بانی در دست اولنه مامش اولدیغندن تاریخدن اعتباراً جانب ریاستدن کندوسنه اون کون مهل اعطا قلنمشدر مهل معین ظرفنده کلیدی خالده قانونه اطاعت ایتمامش نظریله باقیله رق حقوق مدینه دن اسقاط قلنه جنی و محاکمه غیاییه سی انشاده اموانک حجز آتته آنه جنی و بوسره ده برکونه ادعایه حق اوله میه جنی و علینده دعویاه قیام اوله جنی و بالجله ضابطه عدلیه مأمور لرینک کندوسنی طومغه مجبور بولندقلری امری اعطا و مهملک املاکی حجز اولنق اوزره مدعی عمو میلکه تبلیغات مقتضیه اجرا ایلدیکی جهته اصول محاکمات جزائییه قانونک اوچوزیتش برنجی و اوچوز یتش ایکنجی ماده لرندن استنباط اولنان احکامه توفیقاً اشبو قرار نامه بالتنظیم اعلان اولنور .

ایکنجی تجارت محکمه سنده :

چارشوی کیرده قیوخیلر جاده سنده ترزی باشی زقاغنده بلانومرو مغازه ده مقیم اولوب مانیفاطوره تجارتیله مشغول ایکن ۲۷ ایلول سنه ۳۱۹ تاریخندن اعتباراً اعلان افلاسنه حکم اولنش اولان میخیایل زنکینادیسک مصالح افلاسیه سنک رؤیت و تسویه سی ضمنتده اعضا ملازمی عزتلو یانقو افدینک ژوژ قومیسر و داین وکیلی دعوی وکیللرندن خسته اوغلی استاوراکی افدینک موقت سندیک تعینلرینه و مغازه سنده موجود اموال تجاریه سیله اشیا ی زانده بیتیه سنک تمهیرینه و اوراق و دفاترینک جلبنه و کفالت صدقه اعطا ایدمه مدیکی تقدیرده حبس و توقیفنه و بوبابده کی قرارک موقه اجراسنه ایکنجی تجارت محکمه سندن قرار ویرلش اولدیغندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولنق اوزره اشبو بیک اوچوز اون طقوز سنه سی تشرین

اولنک اون برنجی جمعه ایرتسی کونی ساعت یدی راده لرنده اصحاب مطلوبک محکمه مذکوره نک افلاس اوطه سنه کلری اعلان اولنور .

اعلامات نظامیه اجرا دائره سنده :

طاشجی اوغلی یواناکی افدینک عثمان بک ذمتنده بااعلام نظامی محکوم به آله جنی اولان مبالغک تأمین استیفاسی ضمنتده مومی الهک پدری رشید افندی ایله والده سی عایشه خامدن انتقال ایلان قبا صقال محله سنده چیقماز بیرام فرونی جاده سنده واقع تخمیناً یدی یوز آرشون عرصه اوزرینه مبنی یکر می اوطه درت صوفه و ایکی مطبخی و فوقنده درت اوطه یی مشتمل آخور و آرابه لنی و برعدد قیوی و تخمیناً ایکی بیک اوچوز آرشون بانجییه حاوی حرم و سلامقلی سکر نومرولی برباب قوناق و مشتملانک درت حصه اعتباریله بر حصه سنک تاریخ اعلاندن اعتباراً اون بش کون صکره بالمزایده فروخته تشبث اولنه جنی در سعادت اعلامات نظامیه اجرا دائره سندن اعلان اولنور .

عدد	عدد
۱ الماس کوبه	۱ کموش ساعت
۱ اینجو »	۱ اینجو کردانلق
۱ قسماً کموش قسماً التون	۱ الماس یوزوک
قابلی قوردون	۲ یورغان اورتوسی
۱ الماس چلنک	

سرپوهی قادینک قولیک قادین ذمتنده بااعلام محکوم به آله جنی اولان مبالغک تأمین استیفاسی ضمنتده مرهون و فروختی اعلام مذکور ایله محکوم بالاده جنس ونوعی کوستریلان سکرز قلم اشبانک تاریخ اعلاندن اوچ کون صکره یعنی تشرین اول رومینک دردنجی جمعه ایرتسی کونی چارشوی کیرده قیوخیلر داخلنده بالمزایده فروخته تشبث اولنه جنی در سعادت اعلامات نظامیه اجرا دائره سندن اعلان اولنور .

اکمه بابت محکمه سی اجرا دائره سنده :

ارتم افدینک تیمورجی اصنافدن لئون ذمتنده بااعلام آله جنی بولنان مبالغک تأمین استیفاسی ضمنتده محجوز بولان قاضی قریه سنده برطرفی ترسیس افندی منزل و بانجییه سی و دیگر طرفی دو قنور مصطفی بک منزل و بانجییه سی و برطرفی واسیلادی منزل عرصه سی و طرف رابی طریق عام ایله محدود ایکی قات بش اوطه و ایکی صفه و برمطبخ و برقیوی حاوی و اوک طرفنده اوتوز بش ذراع و آرقه طرفنده سکسان درت ذراع

بانجییه مشتمل یدی نومرولی برباب اخشاب خانه ده التي حصه اعتباریله پدری متوفی حونکیکن ارثاً انتقال ایده جک بر حصه شایعه سنک تاریخ اعلاندن اعتباراً اون بش کون صکره بالمزایده فروخته تشبث اولنه جنی اسکدار بدایت محکمه سی اجرا دائره سندن اعلان اولنور .

ازمید سنجانی بدایت محکمه سی اجرا دائره سنده :

ارنبودرجب کهیانک میخیالیج قریه سندن اوچی اوغلی آپستول ذمتنده بااعلام محکوم به آله جنی اولان مبالغ معلومه نک تأمین استیفاسی ضمنتده داینک طلیله مدیون مرقومک عهده تصرفنده اولان تموز سنه ۳۱۹ عتیق یوقلمه دفترینک بروایکی صره نومرولرنده محرر پاشا صوبی جوارنده کائن برقطمه باغی حجز آتته النمش اولدیغندن تاریخ اعلاندن اعتباراً اون بش کون صکره موقع مزایده یه قونیه جنی جهته طالب اولانلرک دیپوزیتو و یا معتبر کفیللریله ازمید سنجانی بدایت محکمه سی اجرا دائره سنه مراجعت ایللری اعلان اولنور .

حمیدیه قضاسی بدایت محکمه سی اجرا دائره سنده :

اطنه یه ملحق حمیدیه قضاسی دخان رژی انبار مأموری حنا لطفاه افدینک قضاء مذکور بدایت محکمه سی حقوق دائره سندن حمیدیه چارشوسنده مقیم بقال مهران دیوانیان علینده بالاستحصال اجرایه وضع ایتدیکی اون اوچ نومرو ۱۱ و ۱۱ حزران سنه ۳۱۹ تاریخلی اعلام غیایینک تنفیذی ضمنتده بالاملا مدیون مرقومه تبلیغ اولنق اوزره ارسال قلنان اخبار نامه زیرینه متعدد اصناف طرفندن یازیلان شرحده مرقومک حال غیوبتده اولوب ایوم محل اقامتی مجهول اولدینی بیان ایدلش اولمغله مذکور اخبار نامه محکمه دیوانخانه سنه تعلیق ایدلش اولدیغندن اجرا قانونک یکر می طقوزنجی ماده سی موجبجه تاریخ اعلاندن اعتباراً طقسان برکون ظرفنده مرقوم مهران کلوبده اثبات وجود ایتدیکی خالده محکوم به اولان بیک درتیوز اون غروش یکر می یاره ایله مصارف محاکمه و اجرائیه نک مرقومک بعد القرار بقال دکا ننده موجود اولوب با معرفت حکومت ثبت دفترله بالمزایده صاتیله رق امانه قضا مال صندیغنه تسلیم ایدیلان اشیا سی ائمانندن استیفا صورتیله حکم اعلامک انفاذ اولنه جنی حمیدیه قضاسی بدایت محکمه سی اجرا دائره سندن اعلان اولنور .